

編號：035
筆畫：3
篇名：大同與小康
作者/編者/譯者：《禮記》
出處：《禮記》
出版者：
寫作或出版年份：
文白語體：文言文
字數篇幅：約 400 字
體裁類別：說明文(說明事理)

結構層次：

第一大段：說明孔子有志於實行天下大同。(第 1 自然段)

第 1 小層：敘述孔子參加完蜡祭後深深歎息。

第 2 小層：說明孔子歎息的原因是因為自己未能趕上大道實行和三代英明之主當政的時代。

第二大段：說明什麼是天下大同。(第 2 自然段)

第三大段：說明什麼是小康。(第 3 自然段)

篇章主旨：

文章說明了「大同」與「小康」的社會形態，表現了儒家追求天下為公的「大同」社會的政治理想。

附：原文

035

大同與小康

《禮記》

1 昔者，仲尼與於蜡賓，事畢，出遊於觀之上，喟然而歎。仲尼之歎，蓋歎魯也。言偃在側，曰：「君子何歎？」孔子曰：「大道之行也，與三代之英，丘未之逮也，而有志焉。」

2 「大道之行也，天下爲公：選賢與能，講信修睦。故人不獨親其親，不獨子其子；使老有所終，壯有所用，幼有所長，矜、寡、孤、獨、廢疾者皆有所養；男有分，女有歸。貨，惡其棄於地也，不必藏於己；力，惡其不出於身也，不必爲己。是故謀閉而不興，盜竊亂賊而不作，故外戶而不閉。是謂『大同』。」

3 「今大道既隱，天下爲家；各親其親，各子其子；貨，力爲己；大人世及以爲禮；城郭溝池以爲固；禮儀以爲紀——以正君臣，以篤父子，以睦兄弟，以和夫婦；以設制度，以立田里；以賢勇知，以功爲己。故謀用是作，而兵由此起。禹、湯、文、武、成王、周公，由此其選也。此六君子者，未有不謹於禮者也。以著其義，以考其信，著有過，刑仁，講讓，示民有常。如有不由此者，在勢者去，眾以爲殃。是謂『小康』。」